

Oqaluuserisassat pillugit nassuiaat.

(Inatsisartut Siulittaasuat)

2015-imi Inatsisartut upernaakkut ataatsimiinnissaannut UPA 2015-imut oqaluuserisassatut siunnersuutit siunnersuutillu oqaluuserisassanngortinneqartut 2015-imi februaarip ulluisa arfernganni siullermik nassiunneqarput. Upernaakkut ataatsimiinnermi matumani ullut ataatsimiiffiusut 30-unissaat naatsorsuutigivarput.

Ullut ataatsimiiffiusut ataasiakkaat ingerlaavartuussapput, taamaalillunilu immikkoortut ullumi ataatsimiiffiusumi oqaluuserineqarfissaminni angumerineqanngitsoortut ullormi ataatsimiiffiusumi tullermi oqaluuserineqartassallutik.

Inatsisartunut ilaasortat, Naalackersuisut partiilluunniit oqaluuserisassanut oqaaseqaatissaqarunik kissaateqarunilluunniit qinnuigineqarsimapput tamatuminnga ataatsimiinnissaq kingusinnerpaamik sapaatip akunnerannik ataatsimik sioqqullugu Siulittaasoqarfimmut saaffigineqqullugit.

Saaffiginnissutit tiguneqartut Siulittaasoqarfiup oqaluuserisimavai, taakkulu inerneraat oqaluuserisassat marlussunnik allannguuteqarmata, maanna ilisimatitsissutigisassannik.

- Ullut ataatsimiiffiusussat 24-at sisamanngorneq maajip ulluisa 14-at Qilaliarfiummat ulloq taanna oqaluuserisassat tallimanngornermut maajip ulluisa 15-annut 2015-imut nuunneqarput.
- Apeqquteqaat aallaavigalugu oqallinnissamik siunnersuut, immikkoortoq nr. 39, marsip ulluisa 19-annut nuunneqarpoq. Siunnersuutip qulequtaraa: *Pituffik, Thule Air Base, pillugu apeqquteqaat aallaavigalugu oqallittoqarnissaanik siunnersuut. Amerikarmiut nunatsinniinnerannit Kalaallit Nunaat sutigut iluaquserneqassava? Aningaasatigut pissarsiassatigut qanoq piumasaqaateqassaagut, isumaqatigiissutillu sorliit isumaqatigiinniutigineqaqqinnissaannik piumasaqaateqassaagut?*
- Immikkoortup nr. 93-ip oqaluuserineqarnissaa nuunneqarpoq, siunnersuut aprilip ulluisa 30-ianni siullermeerneqartussanngorlugu maajillu ulluisa 28-anni aappassaaneerneqartussanngorlugu. Siunnersuutip qulequtaraa: *ILO-mi isumaqatigiissutinik Namminersorlutik Oqartussat akuersinerat pillugu Inatsisartut aalajangiussinerat; nr. 98 (kattuffiliorsinnaanermut pisinnaatitaaneq aamma ataatsimoorussamik isumaqatiginninniarsinnaatitaaneq pillugit), nr. 100*

(assigiimmik akissarsiaqarneq pillugu), nr. 111 (atorfinitaaneq suliffeqartitsinerlu pillugit), nr. 138 (suliffeqarsinnaanermut ukiukinnerpaaffissaq pillugu) aamma nr. 182 (meeqqanik sulisitsisarnerit ajornerpaat pillugit)

Naggataatigut oqaatigineqassaaq Inatsisartunut ilaasortat ataasiakkaat namminneq akisussaaffigimmassuk siunnersuutimik kalaallisut danskisullu eqqortumik oqaasertalerneqarsimanissaat. Siunnersuutini oqaasertaliussanik erseqqissaasoqarniarpat taakkununga iluarsiiisutit siunnersuutip UPA 2015-imi oqaluuserineqarnissaa sioqqulluarlugu Allattoqarfimmut nassiateqquneqarput.

Suleriaatsitsinni § 4 naapertorlugu oqaluuserisassanut nassuiaat isumaqatigiinniutigineqarneq ajorpoq, taamaattumillu oqaluuserissanut nassuiaat pillugu naammagittaalliutit siulittaasoqarfimmut allakkatigut saaffiginnissutigineqartassapput.

Taamaalilluni oqaluuserisassat akuerineqartutut isigineqarput.